



ANQA-2018/29

ՀԱՎԱՏԱՐՄԱԳՐՄԱՆ ՀԱՆՁԱՁՈՂՈՎ

Ո Ր Ո Շ ՈՒ Մ

27 հոկտեմբերի 2018 թ. N 29

«ՀՆ «ՄԱՐԶԱԼ Ա. ԽԱՆՔԵՐՅԱՆՑԻ ԱՆՎԱՆ ՌԱԶՄԱԿԱՆ ԱՎԻԱՑԻՈՆ ՀԱՄԱԼՍԱՐԱՆ» ՊԵՏԱԿԱՆ ՀԻՄՆԱՐԿԻ ԻՆՍԻՏՈՒՑԻՈՆԱԼ ՀԱՎԱՏԱՐՄԱԳՐՈՒՄ ՃՆՈՐՀԵԼՈՒ ՄԱՍԻՆ

Ընդհանուր գեղեկություն հասպառության մասին

Հաստատության լրիվ անվանումը

«ՀՆ «Մարշալ Ա. Խանքերյանցի անվան

ռազմական ավիացիոն համալսարան» պետական
հիմնարկ

Գործունեության հասցեն

Արշակունյաց 89, Երևան, Հայաստան

Նախորդ հավատարմագրման մասին

Զի ունեցել

որոշումը և ժամկետը

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ «Հանձնաժողով»), ղեկավարվելով «ՀԿ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ծնավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ծնավորման կարգով, 2018թ. հոկտեմբերի 27-ի դունքաց նիստում «ՀՀ ՊՆ Մարշալ Ա. Խանքերյանցի անվան ռազմական ավիացիոն համալսարան» պետական հիմնարկի (այսուհետ՝ ՌԱՀ կամ Համալսարան), «ՀՀ ՊՆ Ներկայացուցիչների, փորձագիտական խմբի ղեկավարի, գործընթացի ՈԱԱԿ համակարգողի մասնակցությամբ քննարկեց Մարշալ Ա. Խանքերյանցի անվան ռազմական ավիացիոն համալսարանի ինստիտուցիոնալ կարողությունների հավատարմագրման հարցը:

Հանձնաժողովը, ուսումնասիրելով Համալսարանի կողմից ներկայացված ինքնավերլուծությունը, գեկուցի նախնական տարբերակի վերաբերյալ ՌԱՀի դիտողությունները և առաջարկությունները, փորձագիտական գեկուցը, գեկուցում նշված թերությունների վերացման մասին ՌԱՀի գործողությունների ծրագրը, ՌԱԱԿ-ի եզրակացությունը՝ ամրագրեց հետևյալը:

Հավատրմագրման գործընթացի հիմնական փուլերն իրականացվել են հետևյալ ժամկետներում.

Դիմում-հայտի ներկայացում՝	31 օգոստոս 2017
ՌԱՀ-ի ինքնավերլուծության ներկայացում՝	21 փետրվար 2018
Փորձագիտական այցի իրականացում՝	04-07 հունիս 2018
Փորձագիտական գեկուցի ներկայացում՝	05 սեպտեմբեր 2018
Թերությունների վերացման ծրագրի ներկայացում՝	08 հոկտեմբեր 2018

Փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ծևավորման կարգ»-ի պահանջներին համապատասխան ծևավորված անկախ փորձագետների խումբը: Գնահատումը կատարվել է «Կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Գնահատում իրականացնելիս հաշվի է առնվել, որ ՌԱՀ-ը, համաձայն իր առաքելության, «ՀՀ ՊՆ համակարգում բակալավրի և լրացուցիչ կրթական ծրագրերով բարձրագույն ուսումնական մասնագիտական կրթություն իրականացնող ուսումնական հաստատություն է, որը հիմնվելով ազգային կրթական փորձի և ուսումնական կրթության ոլորտում առկա միջազգային զարգացումների վրա, իր գործունեությունը նպատակառություն է բարձրագույն ուսումնական ավիացիոն, կապի և հակաօդային պաշտպանության մասնագիտական որակավորմամբ կարգերի պատրաստմանը և վերապատրաստմանը՝ «ՀՀ կրթական և ուսումնական կարիքները բավարարելու նպատակով»: ՌԱՀ-ի հիմնական նպատակն է՝ Հայաստանի Հանրապետության զինված ուժերի կարիքները բավարարելու համար կրթական ծառայությունների մատուցումը, ուսումնական և գիտական ծրագրերի ստեղծումն ու դրանց իրականացումը:

ՌԱՀ-ի վարած քաղաքանությունն ու ծավալած գործունեությունն ընդհանուր առմամբ համապատասխանում են հաստատության որդեգրած առաքելությանը, որն էլ համահունչ է «Որակավորումների ազգային շրջանակին: Ուսումնական ծրագրի մշակումն իրականացվել է «ՀՈՒ 2016-2020թթ. զարգացման պլանին համապատասխան՝ ուսումնական կրթության և ՌԱՀ-ին վերաբերող մասով: Դրական է շահակիցների մասնակցությունը ուսումնավարական պլանավորման գործընթացում: ՌԱՀ-ի արտաքին շահակիցների շրջանակը ներառում է «ՀՈՒ գիտավոր շտաբ, «ՀՀ շահագրգիռ վարչությունները, համալսարանի թողարկող կադրերով համալրվող գորամասերը, իսկ ներքին շահակիցներն են դասախոսական, ուսումնաժողովների և վարչական կազմի ներկայացուցիչները, կուրսանտները: Ուսումնական պլանավորման տեսակետից անհրաժեշտ է, որ ՌԱՀ-ը ուշադրությունը կենտրոնացնի կրթության առաջանցիկության խնդրի վրա, որը կնպաստի համալսարանի զարգացման ուղղությունների հստակեցման և նորարարական ուսումնասիրությունների իրականացմանը:

Առկա է շրջանավարտների հետ մշտական կապ, զորամասերից մշտապես ներկայացվում են կարծիքներ շրջանավարտների վերաբերյալ, որոնց հիման վրա բարելավվում են կրթական ծրագրերը: Սակայն կարևոր է, որ շրջանավարտների վերաբերյալ զորամասերից ստացվող կարծիքները պարբերաբար քննարկվեն ամբիոնների պետերի և դասախոսական կազմի ներկայացուցիչների հետ՝ ՄԿԾ-ներում իրականացվող փոփոխությունները նպատակային դարձնելու համար:

ՌԱՀ-ն իրականացնում է բարձրագույն ռազմամասնագիտական կրթությամբ բակալավրի աստիճանով մասնագետների պատրաստում՝ 4-ամյա և 5-ամյա ծրագրերով, միամյա դասընթացներ «ՀՕՊ միջոցների շահագործում» և «Ռադիոկապի ռազմական տեխնիկա» մասնագիտություններով, ինչպես նաև կազմակերպում է սպայական կազմի որակավորման բարձրացման դասընթացներ: Համալսարանի չորս ֆակուլտետներում իրականացվում է բակալավրական 13 կրթական ծրագիր, որոնցից «Անօդաչու թռչող սարքերի շահագործում և կիրառում» մասնագիտությունը առաջին անգամ ներդրվել է 2017-2018 ուսումնական տարվանից:

ՌԱՀ-ում ՄԿԾ-ների մշակման ժամանակ, ուսումնառության ակնկալվող արդյունքները ձևակերպելիս, պետական կրթական չափորոշիչների հետ համատեղ հիմք է ընդունվել ՌԱՀ առաջելությունը՝ զուգահեռ համապատասխանություն ստեղծելով նաև ՈԱԾ-ի 6-րդ մակարդակի բնութագրերի հետ: Փորձ է արվել նաև համապատասխանեցնել ՄԿԾ վերջնարդյունքները Դուբյնյան նկարգրիչների և ABET-ի չափանիշների հետ: Դրական է, որ ՌԱՀի ՄԿԾ-ները պարբերաբար վերանայվում և բարելավում են արտաքին շահակիցների արձագանքների հիման վրա: Բացի այդ, ՀՀ նախագահի անմիջական ենթակայությամբ գործող Գլխավոր ռազմական տեսչությունը (ԳՌՏ) յուրաքանչյուր 5 տարին մեկ իրականացնում է համալսարանի գործունեության, այդ թվում նաև կրթական ծրագրերի, հիմնական և փոփոխական անձնակազմի գործիմացության համընդիանությունը գնահատում հաստատված չափանիշներով: Ուսումնասիրության ժամանակ ՌԱՀ-ը դիտարկվում է միաժամանակ և՝ որպես զորամաս, և՝ որպես ռազմառուսումնական հաստատություն: Սակայն ՄԿԾ-ների վերանայման գործընթացներում կուրսանտների ընդգրկվածությունը թույլ է, ինչն էլ խոչընդոտում է կուրսանտների լիարժեք մասնակցությանը իրենց կրթության կազմակերպման գործընթացին: ՄԿԾ-ներում քիչ են նաև ճարտարագիտական բլոկի առարկաները, որը կարող է խոչընդոտել ծրագրերով սահմնված կոմպետենցիաների ծեռքբերմանը:

Դասավանդման ժամանակ կիրառվում է առաջադրանքի վրա հիմնված ուսուցում, որը նպաստում է կուրսանտների մոտ վերլուծական և կառավարչական հմտությունների զարգացմանը: Ասանիրաժեշտ է, որ ՌԱՀ-ը ուսուցման գործընթացում խթանի նորարական մեթոդների կիրառումը, որոնք կնպաստեն կուրսանտների մոտ հետազոտական կարողությունների զարգացմանը և կմեծացնեն պատասխանատվության մակարդակը:

Դրական է, որ ՌԱՀ-ում առկա է կրթական ծրագրերի նպատակներն իրականացնելու համար բարձր որակավարում ունեցող պրոֆեսորադասախոսական և ուսումնաօժանդակ կազմ: Պաշտոնների տեղակալումը ՌԱՀ-ում մրցույթային է, որը կազմակերպում են ՌԱՀ-ը և ՊՆ-ն համատեղ: ՌԱՀ-ի ՄԿԾ-ներում պրոֆեսորադասախոսական անձնակազմի մասնագիտական որակներին ներկայացվող պահանջները ընդհանրական են, առկա չեն դասախոսական կազմի տարակարգերի պաշտոնի անձնագրեր:

Միևնույն ժամանակ որոշ մասնագիտությունների գծով սերնդափոխության սահուն իրականացման վտանգ կա, քանի որ նեղ մասնագիտական առարկաների գծով մասնագետները շատ չեն: Մեծ է դասախոսների ծանրաբեռնվածությունը, ինչը խոչընդոտում է դասախոսների կողմից հետազոտությունների իրականացմանը: Կարենությունը կամաց մասնակիցների համար մշտապես համագործակցի քաղաքացիական բուհերի հետ: Կարենությունը նաև ապահովել մեկ առարկայի համար երկու և ավելի դասախոսների առկայություն, որը կնպաստի կազմի կայունությանը, ծանրաբեռնվածության փոքրացմանը և կաշխուժացնի կոլեգիալ հաղորդակցությունը դասախոսների միջև:

Համալսարանում պարբերաբար անցկացվում են դասախոսների վերապատրաստումներ և որակավորման բարձրացման միջոցառումներ, ինչպես նաև այդ նպատակով տեղի են ունենում կարճաժամկետ և երկարաժամկետ գործուղումներ: ՌԱՀ-ում իրականացվում են ՊԴ կազմի գնահատումներ ինչպես կուրսանտական հարցումների, այնպես էլ պարբերաբար իրականացվող դասալսումների, Որակի ապահովման և վերլուծության (այսուհետ՝ ՌԱՎ) բաժնի կողմից իրականացվող ընթացիկ մշտադիտարկումների, կուրսանտների տարեկան առաջադիմության դինամիկայի վերլուծությունների միջոցով, որոնք նպաստում են դասավանդման որակի շարունակական բարելավմանը:

Ընդհանուր առմամբ, ՌԱՀ-ի ռեսուրսները այսօր ապահովում են կրթական ծրագրերի իրականացումը: Միևնույն ժամանակ կարենությունը է, որ ՌԱՀ-ը և <<ՊՆ-ն ուղիներ որոնեն ՌԱՀ-ի զարգացմանը նպատակատղված անհրաժեշտ ռեսուրսներով ապահովելու համար: Մասնագիտական լսարանները, լաբորատորիաները և վարժասրահները տեխնիկական միջոցներով վերահագեցման անհրաժեշտություն ունեն, ինչի մասին փաստեցին նաև փորձագիտական խմբի հետ հանդիպման մասնակիցները: ՌԱՀ-ում կատարված հարցումները ցույց են տալիս, որ կուրսանտական և ՊԴ կազմը բավարարված չեն գրադարանային ռեսուրսներից, որը մտահոգիչ է ՄԿԾ-ների իրականացման և վերջնարդյունքների ձեռք բերման տեսանկյունից: ՌԱՀ-ում որոշ սարքավորումների, լաբորատորիաների և տեխնիկայի բացակայության պատճառով պարապմունքների մի մասն անցկացվում է գորամասերում և քաղաքացիական բուհերում: Կուրսանտների և ՊԴ կազմը նպատակահարմար է համարում հենց համալսարանում այդ պարապմունքների անցկացումը, ինչը կնվազեցնի ժամանակային, և տրանսպորտային ծախսները:

ՌԱՀ-ում գործում են կուրսանտների հավաքագրման և ընդունելության հստակ մեխանիզմներ: Վերջին տարիներին կուրսանտների թվի նվազում է նկատվում <ՕՊ և Կապի ֆակուլտետներում, ի տարբերություն ավիացիայի ֆակուլտետի:

Համալսարանի կուրսանտները հիմնականում գործությունը կազմակերպում է կրթական միջավայրից և կրթության կազմակերպումից: Կուրսանտները հնարավորություն ունեն դասախոսների հետ համատեղ մասնակցելու հետազոտական աշխատանքներին, միևնույն ժամանակ նրանց առավել մեծ ներգրավվածությունը գիտահետազոտական աշխատանքներում կնպաստի կուրսանտների վերլուծական կարողությունների զարգացմանը: ՌԱՀ-ում առկա են կուրսանտներին տրամադրվող կրթական և խորհրդատվական ծառայությունների գնահատման մեխանիզմներ, որոնք նպաստում են մատուցվող ծառայությունների որակի բարելավմանը և կուրսանտների կարիքների հաշվի առնմանը:

ՌԱՀ-ում առկա են հետազոտական ոլորտում իր հետաքրքրություններն ու հավակնություններն արտահայտող ռազմավարություն և կարճաժամկետ ծրագրեր, սակայն հետազոտական թեմաների համար սահմանված չէ քայլերի հերթականությունը, և դրանցում արտացոլված չեն ՌԱՀ-ի մասնագիտական ուղղվածությունները: ՌԱՀ-ում գինվորական կոչումների հավասարեցումը գիտական աստիճաններին ոչ միշտ է արդարացված և վտանգում է համայսարանում գիտահետազոտական աշխատանքների իրականացման արդյունավետությանը: Թույլ է ՌԱՀի և գիտական հաստատությունների միջև հետազոտությանն առնչվող կապը, որը կարող էր արտահայտվել համատեղ գիտական ծրագրեր իրականացնելով: Համայսարանի աշխատակիցների կողմից իրատարակվող հոդվածների սակավությունը անհանգստացնող է, քանի որ այն ցուց է տալիս իրականացվող հետազոտական աշխատանքների ցածր ակտիվությունը: Իրականացվող հետազոտությունները դեռևս չեն հանդիսանում ուսուցման բաղկացուցիչ մաս, որը կարող է բացասաբար ազդել կրթական վերջնարդյունքների ձևավորման վրա: Կարևոր է, որ ՌԱՀ-ի կողմից նորարարական բնույթի ուսումնասիրությունները խրախուսվեն, որոնցում ներգրավված կլինեն ինչպես դասախոսներ, այնպես էլ կուրսանտներ:

Միջազգային կապերի և համագործակցության ոլորտում համայսարանի իրավասությունները խիստ սահմանափակ են, և համայսարնի գործունեությունը այս ոլորտում կարգավորում է ՀՀ համապատասխան բաժինը: Միևնույն ժամանակ, միջազգային համագործակցության խոչընդոտների հաղթահարման հնարավորությունները համայսարանի կողմից դեռևս ուսումնասիրված չեն, որը խանգարում է միջազգայնացման և արտաքին կապերի հետագա զարգացմանը: Ներկայում, ՌԱՀ-ում պլանավորված չեն համապատասխան գործողություններ, առկա չեն անհրաժեշտ ֆինանսական և մարդկային ռեսուրսներ արտաքին կապերի համակողմանի զարգացումը, ՀՀ բարձրագույն կրթական համակարգին ինտեգրվածության շրջանակի ընդունումը, օտարերկրյա ՌԱՀ-երի հետ համագործակցությունը, միջազգային փորձի ուսումնասիրությունները խթանելու համար: ՌԱՀ-ը պետք է փորձի միջազգայնացման ոլորտում ոչ ստանդարտ, նորարարական մեթոդներ օգտագործի ոլորտի զարգացումը խթանելու համար:

Թեև ՌԱՀ-ում տարվում են օտար լեզուների իմացության մակարդակի բարելավման ուղղությամբ աշխատանքներ, այնուամենայնիվ ինչպես դասախոսների, այնպես էլ կուրսանտների շրջանում անգլերենի, իսկ կուրսանտների շրջանում նաև ռուսերենի իմացության մակարդակի բարձրացման անհրաժեշտություն կա, որը կնպաստի օտար լեզուներով գրականության ուսումնասիրմանը, արտաքին կապերի զարգացմանը և միջազգայնացման գործընթացում դասախոսների և կուրսանտների ներգրավվածության բարձրացմանը: Անհրաժեշտություն կա նաև ՄԿԾ-ներում ներառել տարածաշրջանի /Վրացերեն, թուրքերեն, ադրբեջաներեն, պարսկերեն/ լեզուների ուսումնասիրությունը:

Համայսարանի կառավարման համակարգն ունի իր յուրահատկությունը, քանի որ բուհական համակարգին բնորոշ կառուցվածքը մեկտեղված է զորամասային կարգավիճակից բխող պահանջների հետ: ՌԱՀ-ի պետք ի պաշտոն իրավասու է միանձնյա որոշումներ կայացնել, որոնք կենսագործվում են հրամաններով և պարտադիր են կատարման գորամասի ողջ անձնակազմի համար: Մյուս կողմից, որոշումները կարող են քննարկվել կոլեգիալ կառավարման խորհուրդներում: Որպես ռազմական կառույց, ՌԱՀ-ի կառավարումն ու վարչարարությունն իրականացվում է սահմանված քաղաքականության և ընթացակարգերի միջոցով, կառավարման մարմինները

գործում են հաստատված աշխատակարգերով, որոնք ապահովում են կառավարման համակարգի կանոնակարգվածությունը: ՈԱՀ-ի գործող կառավարման համակարգը, միտված լինելով ՈԱՀ առաքելության ու նպատակների իրականացմանը, ապահովում է որոշումներ կայացնելու կանոնակարգված գործնթաց: Որոշումների կայացմանը մասնակցում են ՊՆ համապատասխան վարչությունները՝ որպես արտաքին շահակիցներ: Միևնույն ժամանակ, ՊԴ կազմի ներկայացուցիչները և կուրսանտները պասիվ մասնակցություն ունեն իրենց առնչվող որոշումների կայացման գործնթացում, ինչը կարող է խոչընդոտել ուսումնական հաստատության՝ որպես «համալսարանի» առաջընթացին և գործունեության արդյունավետությանը:

ՈԱՀ-ը ֆինանսական մուտքեր ստանում է << պաշտպանության նախարարությունից: Դրական է, որ ՈԱՀում առկա է ֆինանսական միջոցների բաշխման ծևավորված մեխանիզմ: Տարեկան բյուջեում նախատեսվում են որոշակի ծախսեր, որոնք ուղղված են ՈԱՀի նպատակների իրականացմանը, սակայն ծախսերը մանրամասնեցված չեն ըստ ուղղմագարական նպատակների և կրթական ծրագրերի, որն առավել հասցեական կդարձներ կատարվող ֆինանսական ներդրումները: ՈԱՀ-ը ուսումնական գործունեությունից, դրամաշնորհներից և այլ աղբյուրներից ֆինանսական մուտքեր չունի: Ֆինանսական ներհոսքի աղբյուրների բազմազանությունը կնպաստի ֆինանսական օպերատիկ խնդիրների արդյունավետ լուծմանը և պահուատային ֆոնդի ծևավորմանը:

Դրական են համալսարանի ջանքերը՝ ուղղված որակի ներքին ապահովման համակարգի ներդմանը, շարունակական բարելավմանը և որակի մշակութի ծևավորմանը: Վերջին երկու տարիների ընթացքում կատարված մեծածավալ աշխատանքները հիմքեր են ստեղծել որակի ապահովման համակարգի կայացման համար, որն էլ հետագայում կնպաստի գործնթացների կանոնակարգվածությանը և շարունակական բարելավմանը: Դրական է, որ որակի ապահովման գործնթացների կառավարման նպատակով ՈԱՀ-ը տրամադրում է անհրաժեշտ մարդկային և նյութական ռեսուրսներ: Միևնույն ժամանակ ՈԱՀ-ի ղեկավարությունը մշտապես աջակցում է որակի ապահովման գործնթացների իրականացմանը, իսկ ՈԱՎ բաժնի աշխատակիցներն անցնում են ազգային և միջազգային կառույցների կողմից իրականացվող վերապատրաստումներ: Այս ամենը նպաստում է որակի ապահովման կառույցի կայացմանն ու աշխատակիցների մասնագիտական առաջխաղացմանը: Մյուս կողմից, ուղղմական կրթության առանձնահատկություններով պայմանավորված կան անհամապատասխանություններ << կրթական դաշտում գործող որակի ապահովման պահանջների հետ (թափանցիկության, տեղեկատվության հասանելիության, գործնթացներում շահակիցների ակտիվ ներգրավման և այլնի):

Ուսումնասիրելով ներկայացված փաստաթյութերի փաթեթը, լսելով փորձագիտական խմբի ղեկավարի և բուհի ներկայացուցիչների կարծիքները, հաշվի առնելով, որ ա/ լինելով բարձրագույն ուղղմական ավիացիոն, կապի և հակաօդային պաշտպանության ոլորտի կադրերի պատրաստման և վերապատրաստման միակ բարձրագույն ուսումնական հաստատությունը Հայաստանում ՊՆ Մարշալ Ա.Խանփերյանցի անվան ուղղմական ավիացիոն համալսարանը լուծում է << գինված ուժերը անհրաժեշտ կադրերով ապահովելու կարևոր խնդիր,

- թ/ Կրթական ծագրերը պատշաճ մակարդակով իրականացնելու համար ՌԱՀ-ը ստեղծել է բավարար ուսումնական միջավայր՝ անհրաժեշտ նյութատեխնիկական ռեսուրսներով և համապատասխան մասնագիտական որակավորում ունեցող դասախոսական կազմով,
- գ/ ինստիտուցիոնալ կարողություններում վեր են հանվել որոշակի թերություններ.
- 1) «Հետազոտությունը և գարգացումը» ոլորտի թերությունները թույացնում են համալսարանական գործունեության հիմնական ուղղություններից մեկի՝ գիտական հետազոտությունների տեսակետից ՌԱՀ-ի դիրքերը, հետազոտական և ուսումնական գործընթացների միջև կապը, կարող են խանգարել շրջանավարտների մոտ վերլուծական կարողությունների ձևավորմանը,
 - 2) «Արտաքին կապերը և միջազգայնացումը» ոլորտի թերությունները թույլ չեն տալիս իրականացնել ՌԱՀի առջև դրված միջազգայնացման նպատակները՝ արտերկրի համանման ուազմառուսումնական հաստատությունների հետ համագործակցության խորացումը, «Հարձրագույն կրթական համակարգին ինտեգրվածության շրջանակի ընդլայնումը, միջազգային փորձի ուսումնասիրումը և ներդրումը ՄԿԾ-ներում,
- դ/ փորձագիտական գեկույցում նշված և Հավատարմագրման Հանձնաժողովի արձանագրած թերությունները չեն ազդում կրթական գործընթացների կազմակերպման արդյունավետության և շրջանավարտների որակավորումների շնորհման արժանահավատության վրա,
- գ) հաստատության ուժեղ կողմերի, հնարավորությունների և առկա խնդիրների վերլուծությունը ցույց է տալիս, որ «ՊՆ անհրաժեշտ աջակցության պայմաններում թերությունների վերացման հաստատության գործողությունների ծրագիրն իրատեսական է,
- դ) ներդրված որակի ներքին ապահովման համակարգի միջոցով ուսումնական հաստատությունը կարող է կառավարել իր գործունեության հիմնական ռիսկերը,
- Հավատարմագրման Հանձնաժողովը քվեարկության արդյունքում

ՈՐՈՇԵՑ

1. «ՀՀ ՊՆ Մարշալ Ա. Խանիկերյանցի անվան ուազմական ավիացիոն համալսարան» պետական հիմնարկին շնորհել ինստիտուցիոնալ հավատարմագրում 4 /չորս/ տարի ժամկետով:
 2. Հավատարմագրում շնորհելու որոշման իրապարակումից հետո՝ երկամսյա ժամկետում ՌԱՀ-ին ներկայացնել փորձագիտական գեկույցում նշված թերությունների վերացման գործողությունների վերանայված ծրագիր և համապատասխան ժամանակացույց՝ հաշվի առնելով.
- ա) «Հետազոտությունը և գարգացումը» և «Արտաքին կապերը և միջազգայնացումը» ոլորտներում առկա խնդիրներին առաջնահերթ լուծում տալու անհրաժեշտությունը,
- բ) ՌԱՀ-ի կողմից իրականացվող գործընթացների արդյունավետության գնահատման առաջընթացի առանցքային ցուցիչներ (KPI) ունենալու պահանջը,
- գ) Բարձրագույն կրթության Եվրոպական տարածքին ինտեգրվելու Համալսարանի հավակնությունների տեսակետից միջազգային փորձագետի գործընկերային գնահատման արդյունքները և խորհրդատվությունները:

3. Հատուկ ուշադրություն դարձնել «համալսարանին» բնորոշ յուրահատուկ միջավայրի կայացմանը, ուսումնառության և հետազոտության կապի ամրապնդմանը, կառավարման համակարգի բարելավմանը, անհրաժեշտ նյութատեխնիկական բազայի արդիականացմանը, պրոֆեսորադասախոսական կազմի վերապատրաստմանը, դասախոսների և ուսանողների շարժունությանը, որակի ներքին ապահովմանը:
4. «Համարակալի պահանջների և դրանց մասնագիտությունների պետական հավատարմագրման կարգի» 12-րդ կետի պահանջներին համապատասխան 2 /Երկու/ տարին մեկ անգամ ՈԱԱԿ-ին գրավոր գեկոց ներկայացնել իրականացված գործողությունների արդյունքների վերաբերյալ, գնահատելով Համալսարանի գործունեության բարելավումը, նորարարություններն ու ծեղբերումները:
5. Հանձնարարել ՈԱԱԿ-ին պարտադիր մշտադիտարկման ենթարկել Համալսարանի գործունեության արդյունավետությունը՝ ըստ առաջընթացի առանցքային ցուցիչների:

Հավատարմագրման Հանձնաժողովի

նախագահ
2018 թ. հոկտեմբերի 27
ք.Երևան

Ս. Ավետիսյան